

- 1^r Mancher solt zû der kyrchen gan
- 2^r Vnd an dem fyrtag müssig stan
- 3^r Der sich doch vil geschefft nymbt an



von verfurung am fyrtag.

- 1 Das sint burger zû Affenbergk
- 2 Die all jr sachen / vnd jr werck
- 3 Sparen alleyn vff gebannen tagen
- 4 Die müssen vff den affen wagen
- 5 Dem eynen / muß man roß beschlagen

6 Dem andern knöpflin setzen an
 7 Das man nūn langst solt han gthan
 8 Do man saß by dem spyl vnd wyn /
 9 Dem füillet man die spitzen syn
 10 Vil hudelen muß man dar jn stossen /
 11 Dem muß man an thūn rōck / vnd hosen
 12 Das möcht er sunst nit legen an
 13 Hett ers nit vff eyn fyrtag gthan /
 14 Die kōch zū richten für / vnd glūt
 15 Ee man die kilch morgens vff dūt
 16 So fyndt man by jn schlemmen vnd prassen
 17 Ee yemans recht kumbt / vff die gassen
 18 So sint die wynhüser schier voll
 19 Das tribt man on end yemerdol
 20 Vor vß / vff den gebannen tagen /
 21 So andere werck sint vnderschlagen
 22 So dūt man faren mit den karrhen /
 23 Der fyrtag manchen macht zūm narren
 24 Der meynt der fyrtag sy erdacht
 25 Das kleyner arbeit gott nit acht
 26 Als / das mans holtz jm spielbrāt schlag
 27 Vnd kartten sitzt eyn gantzen tag /
 28 Vil lont sunst wercken jr gesynd
 29 Vnd hant keyn acht / das dienst vnd kynd
 30 Zū kyrchen / predig / gotts dienst gon
 31 Oder frūg zū der meß vff ston
 32 Den mått went sie erst recht vß kochen
 33 Den sie gesotten hant die wochen /
 34 Keyn hantwerck ist dem nit gefüg
 35 Das es am fyrtag ettwas dūg

q7r

9 Dem *GW5046 GW5047*] Den *GW5041* 13 fyrtag *GW5046 GW5047*] frytag *GW5041*
 18 schier *GW5041 GW5046*] fchūr *GW5047*

36 Sy sint dem pfenning also gferd
 37 Als ob keyn tag me wer vff erd
 38 Eyn teyl stont schwätzen vff der gassen
 39 Die andern sitzen spilen / prassen
 40 Manchem jm wyn do mer zerrynt
 41 Dann er eyn woch mit arbeit gwynt
 42 Der muß eyn schmürtzler / hümpeler syn
 43 Wer nit will sitzen by dem wyn
 44 Tag / vnd nacht / biß die katzen kreygt
 45 Oder der morgen lufft har weygt /
 46 Die juden spotten vnser ser
 47 Das wir dem fyrtag dunt solch ere
 48 Den sie noch halten also styff
 49 Das ich sye nit jnns narren schiff
 50 Woltt setzen / wenn sie nit all stunt
 51 Sunst jrrten / wie eyn touber hundert
 52 Eyn arm man holtz am fyrtag laß
 53 Vnd wart versteynt / alleyn vmb das /
 54 Die Machabeer wolttten nitt
 55 Am fyrtag weren sich zu stritt
 56 Jr wurden vil erschlagen dott /
 57 Man samlet nit das hymelbrott
 58 Vff den fyrtag / als gott gebott /
 59 Aber wir arbeiten on nott
 60 Vnd sparen vil / vff den fyrtag
 61 Das wir nit thun went andere tag
 62 O narr den fyrtag halt / vnd ere
 63 Es sint noch wercktag vil vnd mere
 64 Wann du schon fulest jn dem grunt
 65 Vß gyttikeyt als laster kunt

39 andern *GW5041 GW5046*] ander *GW5047* 47 ere *GW5041 GW5046*] er *GW5047*